

## Treoirlíne Airgeadais P07 - 2022/2023

### Ullmhú le haghaidh Cuntas Deireadh Bliana 2021/2022

Tá d'oibleagáid ar bhoird bhainistíochta Bunscoileanna cuntais bhliantúla a ullmhú gach bliain agus seirbhísí iniúchára/cuntasóra seachtraigh a fháil chun na cuntais a ullmhú agus a chur faoi bhráid FSSU faoin 28 Feabhra i ndiaidh dheireadh na bliana.

Is é cuspóir na treoirlíne seo cúnamh a chur ar fáil maidir leis na leabhair agus na taifid a ullmhú don chuntasóir seachtrach. Tugtar amlíne mholta le haghaidh gach céime in Aguisín 1. Tugtar seicliosta in Aguisín 2 chun cabhrú leat.

Sula dtugann tú do thaifid don chuntasóir, ba cheart duit a áirithiú go bhfuil gach idirbheart don bhliain 2021/2022 taifeadta i dTeimpléad Tuairiscithe Míosúil FSSU. Féach Seimineár Gréasáin 2 thíos. Ar an mbealach sin, is féidir a áirithiú go bhfuil do chuid tuarascálacha bainistíochta agus na rudaí a bhreacfar ag deireadh na bliana chomh cruinn agus is féidir.

Comhlíonann Teimpléad Tuairiscithe Míosúil FSSU riachtanais tuairiscithe bhoird bhainistíochta agus tacaíonn foireann FSSU go hiomlán leis. Sa Teimpléad Tuairiscithe Míosúil, baintear úsáid as na cóid chaighdeánacha um Chairt Chuntas a bheidh de dhíth ón gcuntasóir seachtrach agus cuntais á gcur faoi bhráid FSSU aige/aici.

Féach Aguisín 2 chun seicliosta mionsonraithe de nósanna imeachta deireadh bliana a fháil.

Tá treoir chuimsitheach, chéim ar chéim faoin bpróiseas deireadh bliana a thabhairt chun críche le fáil ag na naisc seo a leanas:

- **Seimineár Gréasáin 1** [Seicliosta Deireadh Bliana](#)
- **Seimineár Gréasáin 2** [Seicliostaí don Teimpléad Deireadh Bliana](#)

**Má bhíonn aon eolas breise uait, ná bíodh drogall ort r-phost a chur chuig [primary@fssu.ie](mailto:primary@fssu.ie) nó glao a chur ar (01) 910 4020**

**An tAonad um Sheirbhísí Tacaíochta Airgeadais**

Meán Fomhair 2022

## Aguisín 1

### Amlíne mholta chun Cuntais a Chur Faoi Bhráid FSSU

D'fhéadfadh riachtanais bhreise a bheith ag an bpátrún/iontaobhaí maidir le hullmhú agus críochnú na gcuntas bliantúil. Sa chás sin, cloí leis na riachtanais seo.

<b>Céimeanna maidir le Cuntais Bhliantúla a Ullmhú</b>	<b>Spriocdháta</b>
Soláthraíonn an bord an fhaisnéis airgeadais go léir atá riachtanach d' <b>Iniúcháir/Chuntasóir Seachtrach na Scoile</b> maidir leis an mbliain dar críoch an 31 Lúnasa roimhe sin.	<b>An 30 Meán Fómhair</b>
Déanann <b>Iniúcháir/ Cuntasóir Seachtrach na Scoile</b> na dréachtchuntais bliantúla a chur isteach.	<b>An 30 Samhain</b>
Nuair a bhíonn <b>Bord Bainistíochta</b> na scoile sásta gur léiriú cruinn ar staid airgeadais na scoile atá sna cuntais, déanann an Bord iad a dhaingniú go foirmiúil, agus <u>síníonn an Cathaoirleach agus comhalta Boird amháin eile iad.</u>	<b>An 31 Nollaig</b>
Éilítear ar <b>chuntasóirí/iniúcháirí seachtracha scoile</b> córas slán néalbhunaithe ar líne a rochtain chun comhardú trialach an bhoird a iontráil agus chun cóip PDF de na cuntais fhaofa a uaslódáil.	<b>An 28 Feabhra</b>

## Aguisín 2

Seicliosta d’Ullmhú do Dheireadh na Bliana	Déanta
<ul style="list-style-type: none"> <li>• Priontáil gach ráiteas bainc ón 1 Meán Fómhair 2021 go dtí an 31 Lúnasa 2022.</li> </ul>	
<ul style="list-style-type: none"> <li>• Iarmhéideanna Bainc Tosaigh – seiceáil go bhfuil na méideanna a taifeadadh an 01/09/2021 ceart agus go bhfuil seiceanna gan íoc a tugadh ar aghaidh ón mbliain roimhe sin ceart.</li> </ul>	
<ul style="list-style-type: none"> <li>• Iarmhéideanna Bainc Deiridh – seiceáil go bhfuil na méideanna a taifeadadh an 31/08/2022 ceart agus áirithigh go bhfuil gach réiteach bainc go dtí an 31 Lúnasa 2022 tugtha chun críche.</li> </ul>	
<ul style="list-style-type: none"> <li>• Seiceanna neamhbhriste – déan athbhreithniú ar sheiceanna atá as dáta (seiceanna a bhfuil dáta níos faide siar ná 6 mhí orthu) agus iarr ar an mbanc gach seic neamhbhriste a stopadh agus a chealú. Ba cheart duit na seiceanna neamhbhriste sin a chealú sna taifid chuntasaíochta ansin.</li> </ul>	
<ul style="list-style-type: none"> <li>• Áirithigh go bhfuil gach íocaíocht agus fáltas breactha leis na cóid chearta sa teimpléad don tréimhse an 1 Meán Fómhair 2021 go dtí an 31 Lúnasa 2022, maidir le gach cuntas bainc arna shealbhú in ainm na scoile.</li> </ul>	
<ul style="list-style-type: none"> <li>• Déan athbhreithniú ar gach idirbheart a breacadh don bhliain - cruthaigh tuairisc ar Íocaíochtaí agus Idirbhearta agus déan athbhreithniú ar idirbhearta ó thaobh cruinnis agus comhsheasmhachta. <ul style="list-style-type: none"> <li>➤ Déan athbhreithniú ar liosta na n-íocaíochtaí amuigh agus na bhfáltas ar an ráiteas imréitigh bainc lena chinntiú go bhfuil siad cruinn ceart.</li> <li>➤ Ba cheart aon iontráil dhúblach/mhícheart a cheartú.</li> </ul> </li> </ul>	
<ul style="list-style-type: none"> <li>• Áirithigh go bhfuil an t-iarmhéid sa mhionairgead i gcomhréir le méid an airgid thirim atá á gcoimeád sa taisceadán amhail ar an 31 Lúnasa 2022 agus go bhfuil an doiciméadúchán cúltaca go léir ar taifead.</li> </ul>	
<ul style="list-style-type: none"> <li>• Áirithigh go bhfuil an t-iarmhéid ar an gcuntas cárta creidmheasa i gcomhréir leis an méid atá dlite ar an mbille amhail ar an 31 Lúnasa 2022 agus go bhfuil an doiciméadúchán cúltaca go léir ar taifead.</li> </ul>	

<ul style="list-style-type: none"> <li>Déan athbhreithniú ar shonraisc ó sholáthraithe atá neamhíoctha agus tabhair liosta de gach sonrasc ó sholáthraí agus aon mhéideanna eile atá dlíte ag an scoil, a bhaineann leis an mbliain airgeadais 2021/2022 agus atá neamhíoctha amhail ar an 31 Lúnasa 2022, do do chuntasóir.</li> </ul>	
<ul style="list-style-type: none"> <li>Déan athbhreithniú ar réamhíocaíochtaí, i.e. árachas, conarthaí cothabhála, íocaíochtaí bliantúla eile, agus tabhair mionsonraí faoi gach ceann díobh do do chuntasóir.</li> </ul>	
<ul style="list-style-type: none"> <li>Déan athbhreithniú ar ioncam a fuarthas roimh thús an chéad téarma scoile eile, e.g. ioncam ón scéim leabhar ar cíós, etc. Deontais a fuarthas roimh ré etc. agus tabhair mionsonraí faoi fháltais den sórt sin do do chuntasóir.</li> </ul>	
<ul style="list-style-type: none"> <li>Tuarascálacha párolla – áirithigh go bhfuil na catagóirí cearta roghnaithe d'fhostaithe agus go bhfuil íocaíochtaí leis na Coimisinéirí Ioncaim miondealaithe sna catagóirí cearta párolla, más féidir.</li> </ul>	
<ul style="list-style-type: none"> <li>Athbhreithnigh na méideanna atá le híoc leis na Coimisinéirí Ioncaim maidir le cáin Phárolla, CBL/RCT.</li> </ul>	
<ul style="list-style-type: none"> <li>Áirithigh go bhfuil gach íocaíocht leis na Coimisinéirí Ioncaim taifeadta i gceart faoi na catagóirí iomchuí sa teimpléad.</li> </ul>	
<ul style="list-style-type: none"> <li>Tabhair cóipeanna de thuairisceáin chuig na Coimisinéirí Ioncaim do do chuntasóir, maidir le: ÍMAT/ÁSPC – méideanna íoctha leis na Coimisinéirí Ioncaim agus méideanna dlíte dóibh CBL/RCT – méideanna íoctha leis na Coimisinéirí Ioncaim agus méideanna dlíte dóibh.</li> </ul>	
<ul style="list-style-type: none"> <li>Déan athbhreithniú ar an anailís ar ioncam agus caiteachas maidir le deontais imfhálaithe agus áirithigh gur cuireadh sna catagóirí cearta iad. Tabhair mionsonraí faoi dheontais imfhálaithe nár caitheadh faoi dheireadh na bliana, e.g. mionoibreacha, Deontas TFC, deontais Covid etc., don chuntasóir.</li> </ul>	
<ul style="list-style-type: none"> <li>Cuntas bainc Chumann na dTuismitheoirí: Áirithigh go gcuirtear an doiciméadúchán airgeadais uile ar fáil don chuntasóir lena chuimsiú sa chuntas airgeadais bhliantúil, i.e. ráitis bhainc agus aon doiciméadúchán cúltaca maidir le caiteachas.</li> </ul>	